

आकाशवाणी

- 1- प्रधानमंत्री नरेन्द्र मोदी होर अज्ज नमें जम्मू रेलवे डिवीजन समेत केइएँ रेल परियोजनाएं दा उद्घाटन करगंन।
2. प्रधानमंत्री नरेन्द्र मोदी होरें आखेआ जे भारत च दुनिया भरै दे सेहत ते नरोएपन दा प्रमुख केन्द्र बनने दी व्यापक समर्थ ऐ।
3. राष्ट्रीय सुरक्षा सलाहकार अजीत डोभाल अज्ज अपने अमरीकी समकक्ष जेक सुलीवान कन्नै नमीं दिल्ली च मलाटी लांगन।
4. हवाऊ दे म्यार दे प्रबंधत सरबंधी आयोग दी मजूदगी नै उपसमिति राष्ट्री राजधानी प्रांतै च लागू ग्रेडिड रेस्पॉस एक्शन प्लान ग्रेप दा त्रिया चरण परताई लैता ऐ।
- 5- उत्तर भारत च सीत लैहर दा प्रकोप जारी । मौसम विभाग नै औने आले दिनें च तापमान झिगला जाने ते जबरदस्त बरखा पौने दी पेशगोई कीती ऐ।
- 6- हॉकी इंडिया लीग 2024–25 तैहत तमिलनाडू ड्रैगन्स नै उत्तर प्रदेश रूद्रास गी 2–0 कन्नै हराया।

<><><><><><>

PM-Railway

प्रधानमंत्री नरेन्द्र मोदी होर अज्ज वीडियो कांफ्रेंसिंग राएं जम्मू रेलवे डिवीजन दा उद्घाटन करगंन ते बक्ख–बक्ख रेल परियोजनाएं दा नींह पत्थर रक्खगंन। प्रधानमंत्री तेलंगाना च चरलापल्ली च नमें टर्मिनल स्टेशन दा बी उद्घाटन करगंन ते पूर्वी तटीय रेलवे दी रायगढद्य रेल डिवीजन इमारत दा नींह पत्थर बी रक्खगंन। जम्मू रेलवे डिवीजन दे बनने कन्नै जम्मू कश्मीर ते कन्ने नगदे प्रांतै गी लाह पुज्जोग ते लोकें दी चिरकी मंग बी पूरी होई जाग। एहदे च पठानकोट जम्मू उधमपुर श्रीनगर बारामुला भोगपुर सिवाल पठानकोट, बटाला पठानकोट ते पठानकोट जोगिन्द्र नगर आलियां सेक्शनां शामिल न। एहदे कन्नै रोजगार दे

नमें मौके पैदा होंगन। बुनियादी ढांचे दा विकास होग, सैलसफा च बाद्धा होग ते प्रांतै दा पूरा पराता समाजिक आर्थिक उत्थान होग।

<><><><><><>

### PM-USBRL Project

रेलवे नै जम्मू-कश्मीर च खीरी निरीक्षण शा पैहले जंदे शनिवारें उधमपुर-श्रीनगर-बारामूला रेलवे लाइन परियोजना दे समूलचे कटड़ा-बनिहाल हिस्से पर ट्रेन दा कामयाब परीक्षण कीता। इस दौरान मुख् प्रशासनिक अधिकारी संदीप गुप्ता ते उत्तर रेलवे दे अफसरें कन्नै रेल च सवार हे। रेलवे सुरक्षा आयुक्त 7 ते 8 जनवरी गी एहदा वैधानिक निरीक्षण करने परेंत इक्क रिपोर्ट पेश करंगन। एहदे मगरा कश्मीर ताई रेल सेवा रम्भ करने बारै कोई फैसला लैता जाग।

<><><><><><>

### PM-Ayurveda

प्रधानमंत्री नरेन्द्र मोदी होरें आखेआ जे भारत च दुनिया भरै दा सेहत ते नरोएपन दा प्रमुख् केन्द्र बनने दी पूरी समर्पि ऐ। श्री मोदी होरें आखेआ जे ओह् दिन दूर नेई ऐ जदूं पूरी दुनिया मेक इन इंडिया आंगर हीट इन इंडिया दा मूलमंत्र गी अपनाई लैंगन। कल रोहिणी नमीं दिल्ली च वीडियो कांफ्रेंसिंग राएं केन्द्री आयुर्वेद अनुसंधान संसीन दी नमीं इमारत दा उद्घाटन करदे होई प्रधानमंत्री मोदी होरें इआं आखेआ। भलेया आधुनिक तरीकै नै तैआर कीती जाने आली इस इमारत दे निर्माण पर तकरीबन 185 करोड़ रपे खर्चा औग। कोई त्रुं ऐकड़े पर बनने आले इस संस्थान च पारम्पारिक ते आधुनिक सेहत सहूलतें दे समागम कन्नै इलाज मुआलजे समेत हुनर विकास दा बी प्रावधान होग। अपने संबोधन ख श्री मोदी होरें मुख् दे गरीब कशा गरीब गुरबें तगर सेहत सहूलतां पजाने दे सरकार दे धेइयै गी पक्का कीता। प्रधानमंत्री होरें आखेआ जे सरकार आयूष ते आयुर्वेद जनेइएं पारम्पारिक भारती औषधिएं पद्धोतिएं गी बी बढावा देआ'रदी ऐ।

<><><><><><>

## US-NSA Meet

राष्ट्रीय सुरक्षा सलाहकार अजीत डोभाल अज्ज नमीं दिल्ली च अपने अमरीकी समकक्ष जेक सुलीवान कन्नै बैठक लांगन। राष्ट्रीय सुरक्षा सलाहकार दी बैठक च उभरा'रदी महत्वै आली तकनीकी ते दबकखया मामलें पर गल्लबात कीती जाग। पिछले हफते मीडिया आलें कन्नै गल्ल करदे होई विदेश मंत्रालय दे प्रवक्ता रणधीर जयसवान होरें आखेआ हा भारत ते अमरीका बशकार सरबंध व्यापक न ते दौनें मुल्खें बशकार लगातार दबकखया जफसीली गल्लबातहोंदी रौंहदी ऐ। उनें आखेआ बेशकक इसले दा अमरीकी प्रशासन अपने कार्यकाल दे खीरी चरण च ऐ ते इस अरसे दरान बी दबकखया गल्लबात ते दौरे दौनें मुल्खें दे सरबंधे दी तगड़ेयाई गी बारै करदे न। इस दौरे दरान श्री सुलीवान हुंदे नै मलाटी लांगन। ओह आईआईटही दिल्ली दा बी दौरा लांगन।

<><><><><><>

## Paracetamol-Jitender

साइंस ते टेक्नोलॉजी मंत्री डॉ. जितेन्द्र सिंह होरें अज्ज घोषणा कीती ऐ जे वैज्ञानिक ते उद्योगिक अनुसंधान सरबंधी राष्ट्रीय परिषद ब्प्ट नै बखार घट्ट करने ते दर्द थमां राहत पुजाने लेई आम तौरा पर इस्तेमाल होने आहली दोआई पैरासीटामोल बनाने लेई स्वदेशी तकनीक तैयार कीती ऐ। नमीं दिल्ली च वैज्ञानिक ते उद्योगिक अनुसंधान मैहकमे दे स्थापना दिवस दे मौके पर उनें आखेआ जे इस नमीं काहड् दा मकसद इस दोआई गी बनाने लेई बाहरा नोआए जाने आहले तत्वे पर निर्भरता गी घट्ट करना ऐ ते भारत गी एहदे निर्माण च आत्मनिर्भर बनाना ऐ।

<><><><><><>

## Delhi Air Quality

ग्रेडिड रेस्पॉस एक्शन प्लेन ग्रेप पर ब्हाऊ दे मयार दे प्रबंधन सरबंधी आयोग दी उपसमिति नै समूलचे दिल्ली एनसीआर क्षेत्र च लागू ग्रेप दा त्रीया चरण हटाई लैता ऐ पर ग्रेप इक ते ग्रेप दो आलियां सब्बै बंधशां जारी रौंहगन। उआं ओने आले दिनें च ब्हाऊ दे मयार दे स्तर गी खराब होने शा रोकने लेई समूलचे दिल्ली-एनसीआर च सब्बै सरबंधी अजेंसिएं इनें बंधशें गी लागू रखगंन ते कन्नो कन्नी इंदी निगरानी ते स्थिति दी समीक्षा बी करगंन। दिल्ली एनसीआर च ब्हाऊ दे मयार गा नापने आले मानकें दी समीक्षा ते साजगार मौसम गी दिक्खदे

होई उपसमिति नै एह मसूसेया ते पाया जे ब्लाऊ दे मयार च सुधार होआ ऐ जेहदे बाद ग्रेप त्रै आलियां बंधशां हटाने दा फैसला लैता गेआ।

<><><><><><><>

## IMD

समूलचे उत्तर भारत च सीत लैहर दा प्रकोप बरोबर जारी ऐ। मौसम विभाग नै जानकारी दित्ती ऐ जे जम्मू कश्मीर, लद्दाख, गिलगित, बाल्टिस्तान ते मुज्जफराबाद च अगले 4-5 दिनें च घट्टोघट्ट तापमान 5 डिग्री तगर होर झिगड़ा जाई सकदा ऐ। विभाग नै अज्ज हिमाचल प्रदेश दे बक्ख-बक्ख हिससें च शैल गर्जी चमकियै बरने दे आसार दस्से दे न ते केई थाहरें बिजली पोने दी बी शेंका जताई गेदी ऐ। तोआई पंजाब, हरियाणा, चंडीगढ, दिल्ली, उत्तर प्रदेश, राजस्थान, पच्छम बंगाल, सिक्किम, बिहार, झारखंड ते पूर्वोत्तर क्षेत्रें च अगले दऊं दिनें दरान रातीं ते बडलै घनी धुंध पौने दा इमकान दस्सेआ ऐ। मोसम विभाग मूजब अगले त्रै खर दिनें दरान उत्तर पच्छम, मध्य ते पच्छमी भारत च घट्टोघट्ट तापमान च कोइ खास बदलाव नेई औने दी संभावना जताई दी ऐं

<><><><><><><>

## Afganistan Blast

अफगानिस्तान च लड़ाई मगरा ताई तोआई पेदे गोलें दे फटने कारण पिछले ब'रे 5 सौ कोला मते बच्चे मारे गे न जां घायल होए न। इक सोशल मीडिया पोस्ट च यूएनआईसीईएफ नै दस्सेआ जे 2024 च 30 लक्ख कोला मते बच्चे ते उंदे माता पिता गी एह सिखलाई दित्ती गेई ते ओह लवारस पेदे बम्बें गोलें दी पंछान कियां करन ते इंदे शा किया बचन। अफगानिस्तान च बिजन फटे दे इस चाल्ली दे विस्फोटके कोला मकामी लोकें टकोहदा करियै बच्चे लेई गंभीर खतरा बने दा ऐ।

<><><><><><><>

## Pak Attack

पाकिस्तान च बलूच लिब्रेशन बार्मी बीएलए दे आत्मघाती हमले च 4 सुरक्षा कर्मी मारे गे न ते 30एं कोला मते दे घायल होने दी खबर ऐ। उआं बीएलए नै दावा बन्नेआ ऐ जे इस हमले च

47 पाकिस्तानीफौजी मारे गे न। इक्खनी बलुचिस्तान दे दूर दरेड़े इलाके मुर्बत च पर हमला पाकिस्तानी फौज दे काफले पर कीता गेआ। कुले च 5 बस्सां ते 7 होर दुइयां फौजी गड्डियां हियां, जेहड़ा कराची थमां मुर्बत फ्रंटियर कोर मुख्यालय जा करदा हा।

<><><><><><>

## Hockey

हॉकी इंडिया लीग च तमिलनाडू ड्रैगन्स नै जंदी रातीं ओडिशा दे बिरसा मुंडा स्टेडियम राउरकेला च उत्तर प्रदेश रूद्रास गी 2-0 कन्नै हराइयै अपनी पैहली जित्त दर्ज कीती। अभरान सुदेव ते थामस सोर्सबी नै ड्रैगन्स लेई स्कोर करियै उनें गी अंक तालिका च त्री थाहरे मगर पजाई दित्ता ऐ। अज्ज संजा सूरमा हॉकी क्लब दा मकाबला दिल्ली एस.जी. पाइपर कन्नै होग। एह मैच भारती समे मताबक संजा सवा 8 बजे शुरू होना तैह ऐ।

<><><><><><>

## Squash

भारत दी अनाहत सिंह ब्रिटिश जूनियर ओपन स्क्वैश, स्क्वैश प्रतियोगिता दे फाइनल च पुज्जी गेइयां न। 19एं ब8रें कोला हेठली उमरी दी कुड़िएं दे इक्कले मकाबले दे खताब लेई इंग्लैंड दे बर्मिंघन च अनाहत नै सैमीफाइनल च मिस्र दी रूकैया सालेम गी त्रै-इक कन्नै हराया। फाइनल च अनाहत सिंह दा मकाबला मिस्र दी एल.कराक्सी कन्नै होग।

<><><><><><>